

آبونه شرائطی

ممالك عثمانیه ده سنه لکی (۶۵۱)، الق
آبونه ۱۳۴۱، غروشدور .

ممالك استعبدیه ده سنه لکی (۱۷۱)، الق
آبونه (۹) فرانقدر .

اداره خانه

باب عالی جاده سنده دائره مخصوصه

اضطرابات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدلمه بن یازیلر اعاده
اولونماز .



اضطرابات

رساله خردن آلمدیغی کو - ترمک شرطیه
بتون یازیلر هر هانکی بر خزنه طرفندن
اقتباس اولونه بیلیر .

§

مکتوبلرک، امضالرک واضح و اوقو ناقلی
اولمسی و آبونه صره نومردن محترمی
بولونمسی لازمدور .

§

ممالك اجمیهه ایچون آبونه اولانلرک
آدرس لریشک فرانسزجه ده یازلمسی دجا
اولنور .

§

پاره کوئدرلدیکی، ان نه یه د ژاولدیغنک
واضعا بیلدیرلمسی دجا اولنور .

جزیره العرب داخلنده اجرای تخریبات ایله مشدی . قبل الهجره (۲۹۵) . بناء علیه بویه برهنکامده بمن حکمداری اولان (عبدکلال) ک تبدیل دین ایتکه دکل ، آنجاق ملکنی و حکومتی قور تارمق ایچین چالیشمقله مشغول بولونا جفی خاطره کلیر .

ثانیاً : عبدکلاله خلب اولان (حسان تبع) دکل ، (تبع بن حسان) درکه (تبع الاصغر) عنوانیه معروفدر و برادر زاده سی (حارث بن عمرو) (:) واسطه سیله حجاز قطعه سی تحت نفوذ و حاکمیتنه آلان بودر .

واقعا ملوک حمیر آراسنده برده (حسان بن تبع) وارد درکه (تبع اوسط ابوکرب اسعد) ک اوغلی (تبع بن حسان) ک باباسیدر . لکن بوذات ، عبدکلالک خلفی دکل . اونک سلفی (عمرو بن تبع) کده سلفیدر .

ثالثاً : روما ایمپراطوری (قونستانس) ک ایلمچی کونده رومه سی اوزرینه (مرشد بن عبدکلال) ک مملکتنده اوچ دانه کلیسا انشاسنه مساعده ایتمه سی ده محتاج ایضا حدر .

واقعا بوقاریده ده سویله نیلیدیکی وجهله (مرشد بن عبدکلال) لکل مذهب یذهب متلون بر آدامدی . حتی شوحال تذبذب بالآخره خلغنی موجب اولمشدی . واقعا (ایمپراطور قونستانس) ده مذهب ایشلرینه قاریشمش و زماننده (آریوس) مذهبدارانی ایله اورتودو . قسار آراسنده محادلات جریان ایتشدی . فقط بمن حکمدارینه ایلمچی کونده روبرده کلیسا انشاسنه مساعده ایتمه مک قدر خریستیان طرفدارلغنده ایلری کیتشم می ایدی ؟ یوقسه خریستیانلق ، سوریه طرفلرندن کلک صورتیه می بمن داخلنه و بالخاصه (نجران) قطعه سنه کیرمشدی ؟

نجران که بمنک شمال شرقی جهتنده و (دهنا) چولنک کنارنده واقع بریردر ، خطه یمانییه ده نصرانیته ایلک محل انتشاری اولمق اوزره مشهور و بوکا دائر (معجم البلدان) ده روایت آیه مذکوردر : « نجران لیلرک خریستیان اولمالرینه سبب : شام نواحینده (فیمیون) یاخود (فیمیون) اسمنده عیسوی المذهب برذات واردی که عابد و مجاهد اولوب مستجاب الدعوه ایدی . سیاحتله وقت یکیریر و بر محله هویتی اکلاشینجه باشقه طرفه کیده ردی . انک امکیله یکینمک ایچین دولکرلک یاپار و بازار کولری چالیشمایوب طاعات و عبادات ایچین صحرایه چیقاردی . شام کولرندن (صالح) نامنده بری ، بوذاتی سومر و اونک خبری اولمق سزین تعقیب ایدردی . بر کون ، (فیمیون) قیره جیقمش ، اورانه اجرای عبادته باشلامشدی . صالحده بر معتاد بر طرفه کیزلندیکی حالد فیمیونه بانیوردی . بردن بره بویوک برییلان پیدا اولوب فیمیونک اوزرینه طوغرو یورودی . فیمیون ، بونی کوروب دعا ایتدی . ودعای مستجاب اولوب ییلان که بردی .

صالح ، ییلانک کلدیکنی کورمش ، فقط که بردیکنی آکلامامشدی . کال تلاش ایله :

— امان ، ییلان وار! دییه باغیردی . فیمیون ، جواب ویرمیوب عبادته دوام ایتدی .

وقتا که عبادت بیتدی . صالح ، میدانه چیقوب فیمیونک رفاقتنه قبولی رجا

(..) (حارث بن عمرو) ده حجازده موسویلیکی قبول ایله مشدی .

مخصوص اولان مصالح عظمی ؛ بالجمله موجوداتک ا کمل وارفعی اولان ذات اجل و اعلانک اثری اولمق اعتباریه کونه مخصوص اوله رق تقرر ایتشددر ؛ بناء علیه کونده کوریلن کال « مکون » نه کالاه تابعدر ؛ ایجاد و ابا عک اتقانی ، بونلرده کوریلن بدیعه صنعت ، نظام و انتظامده آنجق موجد و مبدعک علو مرتبه سی اظهار ایتکدهدر . نظام و انتظامک غایه اعلا سنه بالغ اولان شو وجوده واجب تعالی نک علم شاملی ، اراده مطلقه سی تعلق ایدنجه کون مذکور شو اسلوب بدیع ، بو کال رفیع اوزره صادر اولمش و حالاده اولمقدهدر . « احسبتم انما خلقناکم عبداً و انکم الینا لاترجعون »

ایشته علمای متکلمینک ، « افعال آلهمیه اغراض ایاه تعلیل اولنه ماز ؛ لکن عبثدن مزهدر ؛ افعال آلهمیه ده اولان حکمتلردن بعض شیلر نظر مزده خفی اولسه ده افعال آلهمیه نک حکم و مصالحدن خالی اولمی مستحیلدر » سوزندن قصد ایتدکلی معنی بودر . مترجمی

آفسه کیلی احمد محمدی

تَفْهِيْمٌ وَ تَفْهِيْمٌ

حیات حضرت محمد « صلعم » اثری حقنده بعض مطالعات

— ۳ —

۲۲ نجی صیغه ده شو سطرلر وار :

« میلادک اوچنجی عصرینک نهایتنه طوغرو یمنده حکومت ایدن حمیریه سلاله سنه منسوب ملوک تبایعه دن عبدکلال نصرانیته قبول ایتدی . ارکا خلف اولان حسان تبع مکّه مکرمه ده ساکن قبیله لرله بر معاهده عقد ایدوب اوتاریخدن اعتباراً جزیره العربک وسطنده متوطن قبائل عربیه ملوک حمیریه نک متبوعیتی طایتیدردی . حسان تبع دن صوکر اکن مرشد بن عبدکلال امور دینییه ده مسامحه کار اولدیفندن روما ایمپراطوری قونستانسک کندیسنه کوندردیکی آلچی واسطه سیله وقوع بولان طلب و التماسی اوزرینه بری قدیم صنعاده ، ایکنجیسی عدن ده و اوچنجیسی ده بصره کورفرنده اولمق اوزره خریستیانلرک اوچ کلیسا انشا ایتلرینه مساعده ایتدی »

اولا : حمیر ملوکندن نصرانیته قبول ایتمش اولمق اوزرد (ولیعه) یاخود (وکیعه بن مرشد) دن باشقه سی بیلمیورم که اوده متردد و متلون بر آدم اولوب اولجه یهودیلکه ، صوکراده خریستیانلغه تمایل کوسته رمشدی . موسویت ایسه ملوک حمیر آراسنده داها زیاده منتشر ایدی که (تبع اوسط) ده نیلن (ابوکرب اسعد) ایله (زرعه دنوئاس) کی مشاهیر تبایعه هب بودینه سالک اولمشلردی .

(عبدکلال) ه کلینجه : بوذاتک دور حکومتی ، ساسانیانن (شاپور بن هرمز) ک زمان سطوتنه مصادفدر . شاپور ، عربستان اوزره رینه یورومش ، (حسان) ایله (قطیف) ه قدر کلوب اورادن دیار بکر و ربیعیه دوئمش ، طوتدینی عربلرک کوره ک میکلرینی چیقار . مش (.) بولدینی قویولری طولدوروب منبعلری قایتمق صورتیه

(.) بو مناسبتله عربلر ، شاپوره (ذوالاکتاف) دیشلردر .

ایله دی، اوده موافقت کوسته ردی. کویلیر، فیمونک عظم قدرنی بیلیر، حرمت و رعایتده بولونقله برابر خسته لرنی که تیروب اوقوتورلردی. کندیه مراجعت ایدنلره اوقور و دعا ایدر، لکن چاغیریلان یرلره کیتزدی. برکون برآدام کلوب یا پیلاجق ایشم وار، دیه فیمونی اینه کوتوردی. اوه کیدنجه اعمی بولونان اوغلنی کوسته روب حقنده دعا ایتسه سنی رجا ایله دی. فیمون دعا ایدنجه اعمانک کوزلری آچیلدی. فقط ایچ طایمش اولدینجه جهته کندیس اوره طورامادی. صالحه برابر کویدن کویه، بلکه ده چولدن چوله کز مه به باشلادی.

انای سفرده، برعرب قافله سی بونلری اسیر ایدرک نجرانه کوتوروب صاندی. اووقت نجران اها لسی بویوک براغاچه طاپار وسنه ده برکوه اوآغاچی دوناتوب آلتنه بایرام یاپاردی.

فیمون ایله صالحی اشراف نجراندن ایکی ذات آلمشدی. فیمونک اوطوردینی اوطه نك نور ایچنده قالماسی، افندیسنک نظر دقتنی جلب ایله دیکی جهته کوله سنک دینی صورتدی. اوده:

— سز، فاندیهی ضرری اولمایان برآغاچه طایقله باطل برحرکتده بولونوبورسکن. واحدا لشریک اولان معبودمه دعا ایدمک اولورسه م درحال اوآغاچ قورور. دیدی. افندیسه ده:

— دعا ایت باقلم. دیدیک کی اولورسه بزده اونی بیراقیر، سنک معبودکه پرستش ایدررز. جوانی ویردی.

فیمون، قاقوب جناب حقه دعا ایتدی. درحال برفریطینه پیدا اولوب آغاچی کوکندن چیقاردی وزمین پستی به ده ویردی.

بونک اوزم رینه نجرانلیر. قیمیونه اتباع ایدرک عیسوی اولدیلر. بالاخره عقیده توحیدلری ده کیشوب ارباب تثلث مذهبیه کیردیلر. ابن اسحاق دیرکه:

شونقل ایدیلن (وهب بن منبه) ک اهل نجراندن روایت ایتدیکی قصه در. (محمد بن کعب القرظی) دن (یزید بن زیاد) ونجران اها لیسندن بعضیلرینک نقلنده ایسه:

نجران کویلرندن برنده بویوک برسحر باز اولوب اها لینک چوجوقلرینه سحر تعلیم ایدرردی که بوصیراده فیمون، کلوب نجران ایله سحر بازک بولوندینی کوی آراسنده چادر قورمشدی.

نجران اشراف زاده لرندن (عبدالله بن الناصر) ده هرکون سائر چوجوقلرله برابر سحر بازه کیدوب سحر اوکره نیر، لکن فیمونک چادری اوکندن کچرکن اونک طاعات و عباداته حیرته قالردی. برمدت صوکره سحر بازی بیراقوب فیمونک چادریته دوامه باشلادی وسحر رینه شریعت عیسویه بی تحصیل ایله دی. باباسی ایسه اوغلم، سحر بازلق اوکره نیور. ظن ایدیوردی.

بالاخره عبدالله بن الناصر، نجران کویلرینی دولاشوب خسته لری ومعلول اولانلری، ایی اولورسه عیسویلیکی قبول ایتک شرطله اوقومایه باشلادی. اوقودینی ایی اولویور، عیسویلیک ده بوصورتله انتشار ایدیوردی.

شو حال، حکمداره عکس ایدنجه عبداللهی جلب ایله یه رک اولومله قورقوتقی ایسته دی. اوده:

— سن، بنی اولدوره مزسک. جوابنده بولوندی. فی الواقع عبداللهی طاغدن آتدیلر، نه ره فیرلاتدیلر، اوله دی. صوکره حکمداره خطاباً:

— بنی اولدورمک ایسترسه ک موحد اول. او وقت اولدوره بیلیرسک. دیدی. حکمداره عیسویلیکی قبول ایتدکن صوکره انده کی عصا ایله شاقاغنه اورونجه عبدالله تسلیم روح ایتدی.

بعده، حکمدار بر طاقم خندقلر آچدیروب ایچلرنی آتشله طولدوردی وعیسویلیکدن ارتداد ایتدیلر اوتلرک ایچنه آتدیردی که قرآن کریمه (قتل اصحاب الاحدود النار ذات الوقود) نظم کریمله حکایه بویورولمشدر.

شو جنایتی ایشله بن حریفک کیم اولدیننده اختلاف واردر. ابن اسحاقه کوره نجران حکمداری عبدالله الناصر اولدردکن صوکره کندیس ده هلاک

اولش، نجران اها لسی ده دین عیسایی محافظه ایدم بیلمش. مؤخرأ یمن حکمداری (ذونواس) عسکر یله بونلرک اوزرینه یورو یوب یهودی اولمالرین چابلامش، قبول ایتمه لری اوزرینه قولاق، بورون کسمک، اولدورمک، آتشه یاقق صورتیله یکریمی بیک نفوسی تعذیب ایله مش. (امام ترمذی) و (مسلم) راولرندن (عبدالله الفقیه) ایسه بوروایته اعتراض ایدرک:

— ابن اسحاق (نجران اها لسی قتل ایله یمن ذونواسدر) دیمه سنه حیرت ایدرم. چونکه: ذونواس، دین موسایه کیرمش و یهود علماسندن ایکی ذاتی یانته آلمشدی. شو حالده مؤمن وموحد ایدی. شریعت عیسویه ده توراتی مؤید اوله رق کلدیکی جهته اونکله عامل بولونانلرده موحد ایدیلر. بوروایت طوغرو اولدینی تقدیرده قاتلک ده مقتولینک ده ارباب توحیددن اولمالری لازم کیر. حال بوکه جناب حق، قاتل ومحرق کلام قدیمده ذم ایتشد. بنشاء علیه آتشله تعذیب عباد ایدن ذونواس دکل، باشقه بر حکمدار جبار ایدی. دیمشدر.

نقل ایتدیکم شوروایت، خرسیتیانلغک سوریه جهتلرندن یمن داخلنه کیرمش اولدینگی عیان بیان کوستریبور. کلیسالر مسأله سنه کلنجه: یمنه نجرانده (بیعه) نامیله برمعبد بولندینی، بونک اوچوز دهریدن یاپلش برچادردن عبارت اولدینی یمنه معجم البلدانده محررر. فقط (ابرهه) نک یایدیردینی مشهور کلیسادن مقدم یمن قطعه سنده باشقه جه برنصاری عبادتخانه سی اولدینگی بیله میورم. محرر محترم، بونلرک موقعلرینی بیلدیرلرسه کندیلرینه متشکر قالیرز.

برازده شو سطرلری اوقویلم:

«بوتاریخده یمن قطعه سنک اها لسی قسماً یهودیلردن وقسماده صابئه مذهبیه منسوب ستنلی بت پرستلردن عبارتدی»

برسطر یوقاریده ایمپراطور قونستانسک التماسیله قدیم صنعاده، عدنده، بصره کورفرزنده برر کلیسا انشا ایدیله سنه مساعدده اولوندینی یازیلشدی. بونلر یاپیلدیسسه ایچنده آیین نصرانیتی اجرا ایدمک کیمسه یوقیدی؟

«مرئندک وفاتندن صوکره ایتنه حبشیلیر مستولی اولدیلر. بونلر خریستان ایدیلر. نجاشی نک بر قوماندانی اولان ابرهه خرسیتیانلغک جزیره العربیه تعمم ایتمه سی ایچین یک چوق اوغراشوی. اوندن اعتباراً حبشستانله یمنک مقدرات تاریخیه لری آراسنده ارتباط پیدا اولدی. یمنلیر، حبشیلرله قارشی ایراندن استمداد ایتدیلر. ۵۷۵ تاریخ میلادیسنده وقوعه کن بویوک برمحاربه ده حبشیلیر انیزامه اوغرا دیلر؛ آنجاق ایرانلیر ۵۹۷ تاریخ میلادیسنده اجرا ایتدک لری ایکنجی بر محاربه نک نتیجه سنده بو قطعه یه صاحب اولایلدیلر. بوندن صوکره یمن ایرانک بر ولایتی حکمنه کیردی»

(مرئند) ک وفاتندن صوکره حبشیلیر، یمنه کیرمه دی. مرئندک ارتحالی متعاقب اوغلی (وکیعه) اوندن صوکره (ابرهه بن الصباح) اوندن صوکره (صهبان بن محرث) اوندن صوکره (عمرو بن تبع) اوندن صوکره (ذوشفاتر) اوندن صوکره (ذونواس) آدی حکمدارلر کلدی. حتی ذونواسدن صوکره (ذوجدن) نامنده برینک حکمدارلنی مختلف فیهدر. غالباً محرر محترمی (ابرهه) اسملرینک مشابیهی شاشیرتمش اولاجق که مرئندک وفاتی متعاقب حبش قوماندانی ابرهه بی یمنه صوقوب تعمم نصرانیه باشلاتیور. حال بوکه حبشیلیر، یمنه کند. یلکلرندن کله دیلر. براز یوقاریده یازیلدینی وجهله (ذونواس) ک نجران خریستیانلرینه اشکنجه لر یاپمایه باشلاماسی اوزم رینه رؤسای (*) تاریخ ابی الفدا.

مَقَاتِلُ

قرائینه یالکز حاجیره می ؟

بوسنه جده ده وقوعه کلن برقچ شهبلی خسته لقند طولای بالعموم حجاج کرامک قرائینه یه تابع طوتوله لری دائره امور صحیه جه تحت قراره آلدینی شئون قسمزده درج اولمشیدی . بو قرارک بین المسلمین کفتکوی موجب اولدینی ، حتی عربجه منتشر بعض اسلام غزته لریک اعتراضه معروض قالدینی ده سویله ندی ایدی . مصرده خرسیتان عرب وقبطیلر طرفندن نشر اولنوب اوزاقدن یاقیندن انکلیز مفکوره سنک انتشارینه خدمت ایدن « الاهرام » غزته سی خرسیتانلق ایله هیچ ده مناسبتی اولمیان وطوغرودن طوغرویه مسلمانلق عالمه عائد اولان بو مسئله حقنده اوزون بریاش مقاله نشر ایدیور . ابتدا ، قرائینه لر مجلسنک ویردیکی او قرار علمنده یازی یازان برمسلمانی تعیب و تحجیل ایدیور . بو مسلمانک قرائینه لر حقنده بین الملل تحت قراره آلنان قوانیندن خبری اولمادیغنی ایلرو سوریور . صوکر ا بوندن اون ایکی سنه اولیسی . قطعه مصریه ده وقوعه کلن بر فلاکت عظیمه یی تصویر و اخطار ایده رک سوزه باشلایور . کویا ۱۹۰۱ سنه سی طوقسان ایکی بیک مصرلی یی آلوب کوتورن ، آلمش بیک قدر مصرلی اغنیا و تجاری ایشندن ، کوجندن آلیقویان قولرا میقروبی ، موشه لی بر حاجینک خیاتی ایله قرائینه دن قاجیریلان حجاز خورماسیله زمزم شریف صوینده بارینه رق قطعه مصریه ده داخل اولمش ایش ! برده اوچ سنه اولیسی حجازده ظهور ایدن بولاشیق بر خسته لق شام ، آناتولی ، استانبول یوللری تعیب ایده رک ماکیدونیا ، روم ایلی ، ایتالیا ، روسیه ، آوستریا مملکتلرینه قدر انتشار ایش ! ..

ایشته بونک ایچون سائر مملکتلر کی ، قطعه مصریه دن ده قولرا - دن ، بولاشیق خسته لقلردن محافظه سی ایچون امراض ساریه منبعی اولدینی آکلاشیلان حجازدن کله جک حجاج قطعاً قرائینه یه تابع طوتیلمسی اقتضا ایدیورمش ...

ایشته بر خرسیتانک حجاز ، حجاج کرام حقنده کی دوشونجه سی ! .. دیک اولیورکه آنلرک فکرینه کوره شو برقچ سنه دنبری حکم سورهن بولاشیق خسته لقلر هپ حجاج واسطه سیله حجازدن کلیورمش . نه غریب دوشونجه ! عجا مصرده ۱۹۰۱ سنه سی فلاکتی حاضرلایان قولرا میقروبنک مطلقاً حجاز خورماسنده ، زمزم صوینده کلش اولسی نهدن معلوم اولیور ؟ مصره یالکز حجازدن عودت ایدنلری کلیور ؟ مصرک قابولری باشقه لری ایچون ، باشقه مملکتلردن کلنلر ایچون قابالیمی ؟ برده اوچ سنه اولیسی ظهور ایدن قولرا میقروبنک ابتدا حجازدن کلش اولدینی ایلرو سوریلیور . بوده قطعاً طوغری دکدر . چونکه مملکتمزده اوچ دورت سنه اولیسی ظهور ایدن بو قولرانک حجازدن دکل ، بلکه حج موسمندن اول اوده سا طریقله روسیه دن ، روسیه یه ده ،

نصرانیهدن (دوس بن ثعلبان) نامنده بری حبش نجاشیسنه التجا و همذهلری حقنده یاپیلان مظللمدن اشتکا ایلده دی . بومناسبتله ده نجاشی ، شرقی روما ایمپراطورلغندن استیذان ایله یه رک عمیجه زاده سی (ارباط) ک میتنده یمنه براردو کونده ردی . ذونواس ، بو اردوی قارشیلایوب دوکوشدی . عسکرینک مغلوب اولدیغنی کورونجه (حبشیلرک) انله دوشمکدنسه اولمک اولادر (دیه رک آتی ده ده کیزه سوردی و اتحار ایتدی . قبل الهجره (۹۵) .

قوماندان (ارباط) نجاشی نامه یمنک والیسی اولدی . بالاخره معیتنده بولونان مشهور (ابرهه) ایله بوزوشوب حربه قالدیشدی . محاربه یرینه مبارزه یه قرار ویردیلر . دونه لاهو ائساننده ابرهه نک بورنی یاربلی (۰) ارباطک ده بینی داغیلدی . بونک اوزره رینه ابرهه ، یمن والیسی اولدی و نجاشی طرفندن مأموریتی تصدیق ایدیلدی .

أوت ، ابرهه ، خرسیتانلغک یمنده انتشارینه چوق چالیشدی . عربلری کعبه زیارتندن واز کچیرمک ایچین صنعاده برمزین کلیساییدی . احتمال که بووسیله ایله بوتون جزیره العرب حکمدارلغنی قورمشدی .

فیل وقعه سنی متعاقب هلاک اولونجه یرینه اوغلی (یکسوم) اوندن صوکراده دیکر اوغلی (مسروق) کچدی . یمنیلر ، بویانلجی عالمه یی طبیعی سومیور و ایسته میورلردی . حمیر برنسلرندن (سیف بن ذی یزن) ی خروجه تشویق ایتدیلر . اوده کسرای ایران (پرویز) دن استمداد ایلده دی . کسرانک (وهرز) نامنده بر قوماندان معیتنده کونده ردیکی اوباش کرویه له مسروقی مغلوب ایده رک اجدادینک تحت کچدی ، او طور دی . فقط کسرای ایران هرسنه بر مقدار معین ویرکی اعطاسنه مجبور اولدی . جلوسنی تبریک ایچین عربستانک هر طرفندن هیئتلر کیتدیکی صیراده جد پیغمبری عبدالمطلب حضرتلری ده برای تهنیت عزیمت بویورمشلر وسیفک فوق العاده اکرام و احترامنه مظهر اولمشلردی . ذی یزن ، حبشیلردن بر معیت عسکری ترتیب ایشدی . حکومتک برنجی سنه - سنه سنده ایکن بولردن بری فرصت بولوب کندیسنی اولدیردی . مشارالیه ک وفاتیه یمن قطعه سی ایرانک برولایتی حکمنه کبردی (وهرز) (ولی جان) (خردان) (نوشجان) (مرزان) (باذان) اسمنده کی والیرله اداره اولوندی .

کسرانک صوگ والیسی بولنان (باذان) یدنجی سنه هجریه ده اسلامه کلش و طرف عالی رسالتدن یمنه یمن ولایتنده ابقا بویورلمشدر .

طاهر المولوی

[حیات حضرت محمد « صلعم » مؤلفی لطف الله احمدافندی طرفندن کوندریلن جواب کچ کلدیکی جهته کله جک هفته یه قالمشدر .]

(۰) بوندن طولای ابرهه یه (ابرهه الاشرم) دیرلر .